

signiferi pars centenīs annīs ægyptiis perficitur ab æquali fixorum siderum motu, igitur 360. partes centies ductæ faciunt 36000. ergo æqualis fixorum siderū motus integrā zodiaci resolutionem complet annīs ægyptiis seu non bisextilibus triginta sex milibus.

PROPOSITIO IX.

Stellarum nō erraticarum æqualem motū in vno die in numeris dare. Et quia per octauam propositionem patet, æqualem fixarum stellarum motū in centum annīs non bisextilibus gradum perficere vnū, Centum autem anni non bisextiles cōplectuntur dies 36500. igitur gradu vno partito per dies 36500. æqualis nō erraticorū siderum motus in die prodibit gra. 0. mi. prim. 0. s. 0. tertiorū 5. quartorū 55. quintorū 4. sextorum 6. septimorum 34. octauorū 31. nonorum 14. fere. huius itaq; æqualis motus non erraticarum stellarum, longitudinumq; longiorum & propiorum solis mercurii veneris & trium superiorum planetarum binas composuitabulas, vnā ad imitationē Alfonsinarum tabularum de mediis motibus, alterā in annīs mensibus diebus & horis atq; in aliis temporum momentis completis, ad primā tabulam velut ad tabulas Alfonsinas medicorum motū ingrediendum est cum dato completoq; tempore ad primā, secundā tertīā & quartā dierum reducto. In secundā tabulam, cum dato completoq; tempore facilius patet introit⁹. harum tabularum super æquali fixorum siderum motu duplex compositum est exemplar.